



Martha Lund Olsen
Inatsisartunut ilaasortaq, Siumut

**Qitusumik Isumaginninnermi Siunnersortinngorniarfik pillugu – § 37
naapertorlugu apequttip akineqarnera.**

01-08-2017
Suliaq nr. 2015 - 16091
All. nr. 5716750

Asasara Martha Lund Olsen,

Inatsisartut suleriaasiat naapertorlugu apequtinnut qujanaq.
Akissuteqarnissamut paasissutissat Ilisimatusarfimmit pissarsiarisimavakka.
Apequtigisatit tullinguuttuni akissavakka.

Postboks 1029
3900 Nuuk
Oqarasuaat: +299 34 50 00
Fax.: +299 32 20 73
Email: ikiin@nanoq.gl
www.nanoq.gl

**Apequt 1: Ilumoorpa Najugaq Qimannagu Inunnik Isumaginninnermi
Siunnersortinngorniat Ilinniartitaanerat august 2017-imiit aallartittussaq
ilaannakuusumik ingerlanniarneqarmat?**

Akissut: Ilisimatusarfiup ilisimatippaanga modul 8 naammassineqaqqammersoq
tullinguuttorlu modul 9 pilersaarutigineqartoq allanngornagulu pilersaarutit
naapertorlugit augustimi naammassineqassasoq.

**Apequt 2: Ilumoorpa Naalakkersuisut Inunnik Isumaginninnermi
Siunnersortinngorniat ilinniartitaanerat novemberimi 2017-imi
ingerlassinnaanngikkaat?**

a. Tamanna aningaasassaaleqinermik pissuteqarpa?

Akissut: modul 10-mut novembarimi suliarineqartussatut
pilersaarutigineqartumut tunngatillugu maanna aningaasaliissutit
ataqatigiissarneqaleruttorput Ilisimatusarfimmullu nuunneqarnissaat
sulissutigineqaleruttorput.

**Apequt 3: Massakkorpiaq Inunnik Isumaginninnermi Siunnersortinngorniat
31-iusut Naalakkersusiuniit naatsorsuutigineqarpat, tamarmik inunnik
isumaginninnermi sulisooreersut, ilinniartitaanertik ingerlateqqissagaat
novemberimi 2017-imi immikkoortortaq ingerlasinnaanngippat?**

Akissut: Modul 10 naammassineqassaaq, kisianni qaquguussanersoq
oqaatigiuminaappoq, siuliani 2 pillugu takuuk. Ilinniakkamik ilinniartut
ilinniagaq ataatsimut isigalugu naammagisimaarluarpaat, taamaammat
ilinniartut tamarmik ilinniakkamik ingerlatsiinnarnissaat
naatsorsuutigineqarpoq.

Apeqquut 4: Naalakkersuisut aamma isumaqarpat, ilinniartitaanissaq novemberimi pisussa unitsinneqarpat kingunerlussinnaassasoq allaat ilinniartut ilaat taamaatiinnartariaqarnerannik kinguneqarluni?

Akissut: Uanga aamma ilisimatusarfik ilinniartut ilinniakkaminnik naammassinnikkusunnginneranik ilisimasaqanngilagut.

Apeqquut 5: Naalakkersuisut ilinniartunut kingunerluutissanik allanik sunik naatsorsuuteqarpat ilinniarnermi immikkoortortat taamaatittut / kinguartittut kinguneranik?

Akissut: Allannguisoqassappat ilinniartut nalornilersinnaapput. Taamaattumik uggornartunik kinguneqartoqannginnissaa siunertaralugu ilisimatusarfiup ilinniartunut attaveqartarnissaa qulakkeerusuppara.

Inussiarnersumik inuulluaqqusilluta

Doris J. Jensen